



## ԿԱՄավոր 1 ԿԵՆՍԱԹՈՇԱԿԱՅԻՆ ՖՈՆԴԻ ՆԿԱՐԱԳԻՐԸ

ԿԱՄավոր 1 կենսաթոշակային ֆոնդը գրանցվել է ՀՀ կենտրոնական բանկում 30.04.2013թ.-ին

### Հիմնական Նպատակը

Ֆոնդի մասնակիցներին կուտակային կենսաթոշակներով ապահովումն է՝ Ֆոնդում կուտակված կենսաթոշակային ակտիվների երկարաժամկետ աճի ապահովման միջոցով:

### Ֆոնդի Տեսակ

Ֆոնդը բաց, պայմանագրային, ստանդարտ ֆոնդ է:

### Ֆոնդի պահառուն և մասնակիցների ռեեստրավարը

Ֆոնդի պահառուն է հանդիսանում «ՎՏԲ-Հայաստան Բանկ» ՓԲԸ (ՀՀ, ք. Երևան, Նալբանդյան 46: [www.vtb.am](http://www.vtb.am))

Ֆոնդի ռեեստրի վարումը իրականացնում է կառավարիչ ընկերությունը՝ «Կապիտալ Ասեթ Մենեջմենթ» ՓԲԸ:

### Ներդրումային Քաղաքականություն

Ֆոնդի ակտիվները կարող են ներդրվել կայուն եկամտային արժեթղթերի մեջ ներառյալ պետական, կորպորատիվ և համայնքների կողմից թողարկված պարտատոմսերում: Ֆոնդի ներդրումները կարող են նաև կատարվել բանկային ավանդներում՝ մինչև ֆոնդի ակտիվների 20%-ը ինչպես նաև ներդրումային ֆոնդերի փայերում մինչև ֆոնդի ակտիվների 25%-ը: Բացի այդ, ֆոնդի ակտիվները կարող են ներդրվել ածանցյալ գործիքներում՝ միայն հեջավորման նպատակով: Ֆոնդի ակտիվները կարող են նաև ներառել արտասահմանային արժեթղթեր՝ մինչև ֆոնդի ակտիվների 50%-ը ինչպես նաև ներդրումներ արտարժույթով մինչև ֆոնդի ակտիվների 50%-ը:

### Ռիսկեր

Կայուն եկամտային արժեթղթերը ունեն տոկոսադրույքի ռիսկ (պարտատոմսի տոկոսադրույքի բարձրացման դեպքում, տվյալ պարտատոմսի շուկայական գինը ընկնում է), ինչպես նաև անվճարունակության և գնաճի ռիսկեր: Ի հավելումն շուկայական ռիսկի, արժեթղթերով ներդրումները կրում են գործառնական, իրավական, քաղաքական և իրացվելիության ռիսկեր: Արտարժույթով կատարվող ներդրումները ունեն արտարժույթային ռիսկ՝ արտարժույթի փոխարժեքով պայմանավորված: Այդ պատճառով, ֆոնդն ունի ռիսկերի կառավարման մշակված համակարգ, որի օգնությամբ փոքրացվում են վերոհիշյալ ռիսկերի ազդեցությունը: Բացի այդ, Ֆոնդն ունի ներդրումների կենտրոնացման սահմանափակումներ, որոնց համաձայն ֆոնդի ակտիվները սահմանված չափից ավելի չեն կարող ներդրվել 1 ընկերության, 1 բանկի կամ 1 պետության թողարկած արժեթղթերում:

### Կառավարչի մասնակցության չափը ֆոնդում

11.845 % (30.09.2014թ. դրությամբ)

**ԿԱՄավոր 1 կենսաթոշակային ֆոնդի պորտֆելի կառուցվածքը**

<b>Պորտֆելի կառուցվածքը ըստ աշխարհագրական և ոլորտային բաշխվածության*</b>				
	<b>ՀՀ</b>	<b>ԵՄ</b>	<b>ՌԴ</b>	<b>Ընդամենը</b>
<b>Պետական հատված</b>	56.266 %	0 %	0 %	56.266 %
<b>Ոչ պետական հատված</b>	38.998 %	0 %	0 %	38.998 %
<b>Ֆինանսական հատված</b>	4.736 %	0 %	0 %	4.736 %
<b>Ընդամենը</b>	100 %	0 %	0 %	

\* 30.09.2014թ. դրությամբ

**Սակագներ**

<b>ԿԱՄավոր 1</b>	
Կառավարչի պարգևավճար	1.8 %
Թողարկման վճար	0 %
Մարման վճար	0 % *
Պահառուի պարգևավճար	0.15 %
Միջնորդավճարների հետ կապված ծախսեր	Կախված դրանց ծավալից և բնույթից

\*Օրենքով սահմանված դեպքերում, մինչև կենսաթոշակային տարիքը ֆոնդի փայերը մարելիս ֆոնդի մասնակցի հաշվից գանձվում է մարման վճար 1%-ի չափով: